



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thronus Dei Maria Deipara

Spinelli, Pietro Antonio

Coloniæ Agrippinæ, 1696

S. Vincentius Ferrerius.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

Cum An-
gelum
falsam
nem An-
gelum ve-
ritatis
nosterio
ferebat
Per Deipa-
ram Chris-
to est de-
ponata.

attigeret. Atque his in Deiparæ pietatē veluti
fundamenti positis ad magnum sanctitatis
culmen euaſit. Septimum iam agens ætatis
annum perpetuæ virginitatē voto Deo ac
Deiparæ nuncupauit. Nec minus admirabile
fuit illud, quod post aliquot annos tempore
bacchanalium, cum alij gulæ & ventri serui-
unt, in suam se cellulam abdidit. Fidei perfe-
ctionem à Domino ardentissimè petens; tan-
dem ei Christus corporeis sese oculis specta-
ndum exhibuit cum sanctissima sua genitrice,
& beatissimis Ioanne Euangelista, Paulo A-
postolo; ac beato Dominico, ipſo Rege Dauid
pialterium suauissimè modulante. Hic beata
Dei genitrix S. Catharinæ dexteram accipiens,
& digitis extendens ad filium, postulabat: vt
ipsam Catharinam dignaretur sibi desponsare
in Fide; quod annuens Christus, annulum pro-
tulit aureum quatuor gemmis, & ad mane in
summitate insignem, quem annulari digito
imposuit dicens: *Ecce desponsus te mihi Creato-
ri, & Saluatori tuo in Fide, tu autem desineps
uirginitate age; & recedente Domino annulus in
digito remansit, qui tamen non nisi à S. Catha-
rina videbatur: quam verò familiarem cum
ipsa consuetudinem Deipara haberet, illud
facile declarat; quod vt dixi cap. 20. ob le-
uem culpam eam arguere dignata sit, quod-
que panes cum ea ex farina quadam corrupta
egregios in pauperum vſus efficere volue-
rit.*

S. VINCENTIVS FERRERIVS

Ordinis Prædicatorum.

16 S. Vincentius Ferrerius ex Ordine Prædica-
torum sanctitate inclutus, & Concionator
verè apostolicus; qui non solum triginta
tria millia tum Judæorum, tum Satacenorum
ad Christianam sacra suscipienda adduxit,
sed etiam supra centum millia flagitiosorum
hominum suis concionibus ad salutarem
peccatorum pœnitentiam permoit, Virgini
beatissimæ cum primis addictus fuit,
cui in suis à dæmone tentationibus enixè se
commendabat. Verùm illud præclarum
in primis, quod ex Virginis sanctissimæ ap-
paritione, vt in libr. 2. eius vitæ cap. 11. apud
Surium tom. 2. habetur, tanta ad eius pieta-
tem facta est accessio, vt postea ad tam sub-
lime vitæ spiritualis culmen illius beneficio
perueniret. Cum enim virginitatem suam

quam perpetuò coluit, nocte quadam Virgi-
num Virginii impensius commendaret, quo
ipsa suo patrocinio eam tutari, ac custodie
dignaretur; huiusmodi vocem audiuit; *Non
omnes possumus esse Virgines: nam tametsi ad hanc
vsque ætatem vrg. nem te appellare potuisti, non
tamen patiar in posterum, vt tam honorificè no-
mine perfruaris: quæ quidem verba cum vir
Dei quid sibi vellent tacitus secum ipse reuo-
lueret; adduci non poterat, vt ea à Deipara
Virgine, quæ virginitatē cultores semper ama-
uit, & continenter adiuuit, profecta esse sibi
persuaderet; in genua igitur cum procubisset,
ab ipsa Virgine petijt, vt illa verborum ter-
riculamenta declinare dignaretur: nec ita
multò post Virgo beatissima multa luce corus-
ca ei apparens, ipsum confortauit, e quæ dixit,
verba illa à diabolo fuisse prolata, qui bô-
norum operum difficultatem ei proposuit quò
terrītus ab incepta virtute desisteret; eua-
demque admonuit, dæmonem eius virginita-
tem, aliasque virtutes crebris insidijs impet-
titurum, quate cautus esset, constantique a-
nimo perseveraret; atque in Domino, in quo
omnes dæmonis versutias strenuè supera-
turus esset, speraret, tum Vincentius gratias
Virgini gloriosæ egit: *Ex eoꝝ tempore, inquit
Auctor eius vitæ, Christi militi tantum seruortè
accessit, vt non terrestris homo, sed celestis Ange-
lus videretur esse.**

B. BERNARDINVS SENENSIS

Ordinis Minorum,

S. Bernardinus Senensis ex Ordine Mino-
rum diuini verbi concionator ætatis suæ
celeberrimus, pietatisque erga sancti-
simum, nomen Iesu apud populum exci-
tandæ studiosissimus, Matrem Iesu singula-
ri amore colebat, cum enim vitam adhuc a-
geret in seculo, inter æquales suos omni pu-
dicitia, & morum honestate (qualem decet
esse Deiparæ alumnus) erat conspicuus,
imaginemque Virginis supra Civitatis Sen-
ensis portam, quam dicunt Camollia, ele-
gantissimè depictam per multos annos quo-
tidie insuſebat. ac flexis, nudisque genibus
preces Virgini offerebat, quam vnice se di-
ligere in qua spes suas collocasse, & per eam
se Dei gratiam, & misericordiam, quam præ-
cipuè expetebat, sperare profitebatur. Post
susceptum verò religiosæ vitæ habitum ad
eandem

Ooo 3

eandem